



JABATAN PERKHIDMATAN VETERINAR MALAYSIA

LAPORAN LIPUTAN MEDIA

20 JANUARI 2021

1. 3 lagi pegawai MAQIS direman
2. Kartel daging: Tiga penolong pegawai MAQIS Johor direman
3. Bolos 100 kontena
4. Makan suap RM200,000
5. Tiga pegawai MAQIS direman lima hari

DISEDIAKAN OLEH:

**SEKSYEN KOMUNIKASI KORPORAT
JABATAN PERKHIDMATAN VETERINAR MALAYSIA**

Kes kartel daging import 3 lagi pegawai MAQIS direman

Suspek ditahan
SPRM selepas
hadir bantu
siasatan

Oleh Mohamed Farid Noh
farid_noh@bh.com.my

Johor Bahru: Tiga pegawai Jabatan Perkhidmatan Kuarantin dan Pemeriksaan Malaysia (MAQIS) direman lima hari bermula semalam bagi membantu siasatan kegiatan rasuah kemasukan daging beku tidak dibenarkan Jabatan Perkhidmatan Veterinar.

Perintah reman sehingga Sabtu ini dikeluarkan Penolong Pendaf-tar Mahkamah Majistret Johor Bahru, Nur Fathiah Mohd Fedzier

selepas mendengar permohonan Suruhanjaya Pencegahan Rasuah Malaysia (SPRM) Johor, pagi semalam.

Ia menjadikan lima pegawai jabatan itu disiasat setakat ini berhubung kes terbabit selepas dua pegawai MAQIS Johor berusia 27 dan 31 tahun direman mengikut Seksyen 17 (a) Akta SPRM 2009 pada 7 Januari lalu.

Pengarah SPRM Johor, Datuk Azmi Alias ketika dihubungi, berkata ketiga-tiga suspek masing-masing berusia 40, 44, dan 55 tahun ditahan di Pejabat SPRM Johor, kira-kira jam 7 malam kelmarin selepas hadir membantu siasatan.

"Kes disiasat mengikut Seksyen 17(a) Akta SPRM 2009," katanya.

Kelmarin, SPRM Johor dilaporkan menahan seorang pengarah syarikat berusia 36 tahun di Johor

Bahru sebelum suspek direman selama enam hari.

Pada 12 Januari lalu, seorang ejen penghantaran direman lima hari kerana disyaki terbabit kegiatan rasuah berhubung isu skandal kartel daging import yang mengemparkan tanah air pada bulan lalu.

Lelaki berusia 55 tahun berkenaan sebelum itu ditahan di Pejabat SPRM Johor bagi membantu siasatan mengikut Seksyen 18 Akta SPRM 2009.

Pada 4 Januari pula, seorang pengarah dan tiga pekerja syarikat pengimport daging sejuk beku, di sini, dilaporkan turut direman.

Empat suspek berusia 39 dan 50 tahun itu adalah pengarah, pengarah operasi dan kerani daripada sebuah syarikat sejuk beku, manakala seorang lagi pengarah



Tiga pegawai MAQIS keluar dari Mahkamah Majistret Johor Bahru selepas mendapat perintah tahanan reman lima hari, semalam. (Foto Zain Ahmed /BH)

syarikat lain.

Kelmarin, SPRM dalam satu kenyataan memaklumkan lapan suspek sudah ditahan sejak 4 Januari lalu bagi membantu siasatan berhubung isu kartel daging sejuk beku dan 27 saksi dipanggil membabitkan pekerja syarikat, ejen pengimport serta pegawai kerajaan.

Kes berkenaan disiasat mengi-

kut Akta SPRM 2009 yang menjurus kepada kesalahan menerima rasuah, mengemukakan tuntutan palsu serta kesalahan berkaitan pemalsuan dokumen.

Bulan lalu, media melaporkan kewujudan kartel mendalangi penyeludupan daging import dari negara sumber tidak sah, dengan produk yang dibawa masuk diragui halal status dan kualitinya.

Kartel daging: Tiga penolong pegawai Maqis Johor direman

JOHOR BAHRU – Tiga lagi Penolong Pegawai Penguat kuasa Jabatan Perkhidmatan Kuarantin Dan Pemeriksaan Malaysia (Maqis) Johor direman selama lima hari bagi membantu siasatan kes sindiket kartel daging sejuk beku import yang didekahkan Disember tahun lalu.

Perintah reman terhadap ketiga-tiga mereka dikeluarkan Pendaftar Mahkamah, Nur Fathiah Mohd. Fedzir di Mahkamah Majistret Johor Bahru bermula semalam hingga Sabtu depan.

Difahamkan, suspek yang berusia antara 40 hingga 55 tahun itu masing-masing bertugas di Pelabuhan Tanjung Pelepas, Gelang Patah; Kompleks Kastam, Imigresen dan Kuarantin di Bangunan Sultan Iskandar, Johor Bahru dan di Pejabat Maqis Muar.

Mereka ditahan di Ibu Pejabat Suruhanjaya Pencegahan Rasuah Malaysia (SPRM) Johor pada pukul 7 malam kelmarin selepas dipanggil untuk memberi keterangan.

Pengarah SPRM Johor, Datuk Azmi Alias ketika dihubungi mengesahkan tangkapan tersebut bagaimanapun enggan mengulas lanjut berikutan kes masih dalam siasatan.

Kesemua mereka disiasat mengikut Seksyen 17(a) Akta SPRM 2009 atas tuduhan menerima rasuah.

Tindakan reman terbaharu ini menyaksikan seramai lima kakitangan Maqis Johor telah dikenakan tindakan undang-undang membabitkan sindiket kartel daging ini.

Pada 2 Disember tahun lalu,

Dua pegawai Maqis Johor pula direman



KERATAN Kosmo! 8 Januari 2020.

Maqis mendedahkan kegiatan kartel daging sejuk beku import yang membawa masuk daging tanpa sijil halal sebelum meletakkan logo halal palsu untuk dijual di pasaran tempatan.

Tindakan pertama melibatkan pegawai kerajaan dibuat pada 7 Januari apabila dua pegawai Maqis Johor telah direman di Mahkamah Johor Bahru bagi membantu siasatan melibatkan kegiatan jenayah sama.

Tertuduh yang berusia 27 dan 31 tahun itu disyaki menerima rasuah bagi aktiviti penyeludupan bahan mentah sejuk beku dari negara yang dilarang untuk dibawa masuk ke Malaysia.

Sebelum itu pada 4 Januari, empat individu melibatkan tiga pengarah syarikat dan seorang kerani direman bersabit skandal sama sebelum dibebaskan dengan jaminan SPRM selepas tempoh reman tamat.

Kesemua suspek yang berusia antara 39 hingga 50 tahun itu dibebaskan dengan jaminan berjumlah RM10,000 setiap seorang.

SPRM dalam satu kenyataan memaklumkan pihaknya masih menjalankan siasatan melibatkan sindiket kartel daging sejuk beku import berkenaan.



TIGA penolong pegawai Maqis direman lima hari oleh Mahkamah Majistret Johor Bahru bagi membantu siasatan berkaitan kartel daging import sejuk beku.



PEGAWAI SPRM Johor mengiringi tiga pegawai penguatkuasa MAQIS bagi mendapatkan tahanan reman di Mahkamah Majistret, Johor Bahru, semalam.



Oleh Hazri A Bakar
am@hmetro.com.my

Johor Bahru

KES KARTEL DAGING IMPORT

Makan suap RM200,000

Tiga pegawai Jabatan Perkhidmatan Kuarantin Dan Pemeriksaan Malaysia (Maqis) yang direman semalam disyaki menerima sogokan sekurang-kurangnya RM200,000 bagi melepaskan kontena muatan daging kerbau sejuk beku import daripada pembekal tidak diiktiraf sejak 2017.

Sumber memberitahu Harian Metro, pegawai Maqis terbabit dikatakan sudah melepaskan hampir 100 kontena dengan muatan daging sejuk beku itu daripada pengeksport dari India yang tidak diiktiraf Jabatan Perkhidmatan Veterinar (JPV).

Katanya, setiap pegawai Maqis itu disogok antara RM1,000 hingga RM5,000 bagi melepaskan setiap kontena terbabit dan sogokan yang diterima berbeza berdasarkan pangkat dijawat pegawai terbabit.

"Pegawai berpangkat

tinggi menerima sogokan lebih tinggi berbanding anak buahnya.

"Ia dipercayai berlaku di pintu masuk dagangan Pelabuhan Tanjung Pelepas (PTP) membabitkan ejen penghantaran yang menguruskan dokumen kemasukan daging sejuk beku terbabit," katanya ketika dihubungi, semalam.

Katanya, pegawai Maqis bersekongkol dengan ejen penghantaran bagi melepaskan barangan yang diimport meskipun mengetahui pembekal daripada syarikat yang tidak pernah dibenarkan memasuki

ki negara ini.

Semalam, ketiga-tiga pegawai Maqis masing-masing berusia 40, 44 dan 55 tahun itu direman lima hari sehingga 23 Januari ini bagi siasatan mengikut Seksyen 17(a) Akta Suruhanjaya Pencegahan Rasuah Malaysia (SPRM) 2009.

Difahamkan dua pegawai Maqis itu memegang jawatan Penolong Pegawai Penguatkuasa di stesen pintu masuk dagangan laut manakala seorang lagi adalah

Ketua Pintu Masuk Maqis.

Ketiga-tiga pegawai Maqis itu bagaimanapun diktakan su-

dah dipindahkan ke daerah lain sebelum ditahan SPRM.

SPRM dijangka melakukan lebih banyak tangkapan hasil daripada penahanan terbaharu ini.

Berdasarkan laman web rasmi JPV, hanya 11 pengeksport daging sejuk beku kerbau di India mendapat pengiktirafan bagi tujuan dibawa masuk ke negara ini, termasuk status halal dan paling terakhir dilakukan pada 6 November 2019.

Bagaimanapun, mengikut senarai terkini JPV, daripada 11 pembekal di India, syarikat Federal Agro Industries Private Limited digantung pengiktirafan mereka berkuat kuasa serta-merta pada 16 September lalu.

Pegawai Maqis dikatakan sudah melepaskan 100 kontena muatan daging sejuk beku dari India

Tiga pegawai Maqis direman lima hari

Johor Bahru: Tiga pegawai Jabatan Perkhidmatan Kuaran dan Pemeriksaan Malaysia (Maqis) direman lima hari bermula semalam sehingga 23 Januari ini, selepas disyaki terabit kegiatan rasuah berhubung pemasukan daging beku yang tidak dibenarkan oleh Jabatan Veterinar Malaysia.

Perintah reman itu dibenarkan Penolong Pendaftar Mahkamah Majistret Johor Bahru Nur Fathiah Mohd Fedzier selepas Suruhanjaya Pencegahan Rasuah Malaysia (SPRM) Johor membuat permohonan berkekenaan, pagi semalam.

Pengarah SPRM Johor Datuk Azmi Alias berkata, ketiga-tiga suspek berkekenaan masing-masing berusia 40, 44 dan 55 tahun.

"Ketiga-tiganya ditahan di Pejabat SPRM Johor kira-kira jam 7 malam tadi (kelmarin) selepas hadir untuk membantu siasatan.

"Kes ini disiasat mengikut Seksyen 17(a) Akta SPRM 2009," katanya ketika dihubungi, semalam.

Kelmarin, SPRM Johor dilaporkan menahan seorang pengarah syarikat berusia 36 tahun di Johor Bahru sebelum suspek direman selama enam hari.

Pada 12 Januari lalu, seorang ejen penghantaran direman lima hari sehingga Sabtu lalu kerana disyaki terabit kegiatan rasuah berhubung isu skandal kartel daging yang menggemparkan tanah air, Disember lalu.

Suspek, lelaki berusia 55 tahun itu ditahan di Pejabat



Ketiga-tiganya ditahan di Pejabat SPRM Johor kira-kira jam 7 malam tadi (kelmarin) selepas hadir untuk membantu siasatan"

Azmi Alias

SPRM Johor baru-baru ini bagi membantu siasatan mengikut Seksyen 18 Akta SPRM 2009.

Pada 7 Januari lalu, dua pegawai Maqis Johor berusia 27 dan 31 tahun direman mengikut Seksyen 17 (a) Akta SPRM 2009.

Pada 4 Januari lalu pula, seorang pengarah dan tiga pekerja syarikat pengimport daging sejuk beku, di sini dilaporkan turut direman.

Empat suspek berusia 39 dan 50 tahun itu adalah pengarah, pengarah operasi, kerani dari syarikat sejuk beku yang sama manakala seorang lagi pengarah syarikat lain.

Dalam kenyataan dikeluarkan SPRM kelmarin dilaporkan seramai lapan suspek sudah ditahan sejak 4 Januari lalu bagi membantu siasatan berhubung isu kartel daging sejuk beku.

SPRM dilaporkan memaklumkan seramai 27 saksi juga dipanggil dalam siasatan kes berkekenaan terdiri daripada pekerja syarikat, ejen pengimport serta pegawai kerajaan.